

藝文

詩近體二十九

送張昇卿宰新淦

唐岑參



宮柳葉尙小長安春未濃送君潯陽宰把酒青門鐘水
驛楚雲冷山城江樹重遙知南湖上祇對香爐峯

全唐詩

送洪州通判何大博若谷先歸新淦

宋梅堯臣

拜官江上客乘馬不乘船獨畏蛟龍浪將歸風雨天葛
花侵野徑源水入腴田君住巴邛下西山道路連

宛陵集

親治縣志
題薌林 治東有薌林院

宋孫覲

祇爲登山遠當門疊石爲人來嗟故迹景勝入名詩立
鶴高過檻擎花半在池百年庭際木新長挂冠枝

鴻慶集

三山寺二首

自崇仁趨新淦凡四夕迺至一寓道觀三止僧舍皆
畱一夕而去賦小詩記之

斜日半窻明無人獨掩扇風鈴時自語雪柏老終青立
鵲參差見微泉斷續聽老僧渾不語危坐卷殘經

異縣久爲客窮途飽所更對床雲伴宿曳杖月同行到
處身如寄看山眼甦明平生飲中趣酒賤且頻傾

會雲巢年八十聰明不衰小楷寫六經家有小樓

日登覽不倦諸監司嘗薦遺逸 宋戴復古

八十雲巢老諸公舊典型心情古井水輩行曉天星身
健登高閣眼明書六經嘗聞薦遺逸何以報朝廷

謝蕭和伯見訪

定交雖日淺老眼見君深急語真如渴能詩不肯吟江
湖尊白髮土苴視黃金野客無邊幅相看話此心

臨江小泊

艤舟楊柳下一笑上茶樓適與胡僧遇非因越女畱雲
行山自在沙合水分流獨酌臨清泚知心是白鷗以上
石屏詩抄

崇聖寺

一各溫泉寺濂溪有序

宋彭應求

官程無暇日暫得宿清幽始悟空門客不生浮世愁
溫泉喧古洞寒磬度危樓徹晚都忘寢心疑在沃洲
舊編

輞川釣者圖

明練子寧

家住璜溪上金川似輞川涼風垂釣坐明月棹歌還
緣水雕胡飯金鱗縮項鰻鑑湖如可乞相與誦堯天
以下

玉屑集

贈石溪上人

高僧號竹隱開寺大江邊如意懸書室袈裟上釣船
樓臺開世界龍象接人天記得連牀處松風夜不眠

寄竹庵龔履常

明宋一俊

棲碧山中客三年不見過清時愁老病白髮苦吟哦
候鴈隨陽早秋梧落葉多相期閒在顧試問意如何

題新淦姚氏挹清軒

閉門罕人事清意有誰知山色同朝暮泉聲自四時
絃

琴堪對酒拄笏好題詩爲寫山林趣悠悠動客思
挽鄒竹莊

白髮鄒先輩年高學有餘壺觴畱客醉爐火課兒書已
化遼東鶴誰乘澤下車一程楓谷路草木總蕭疎

寄姚昱伯良

清世文章伯長鬚亂似絲蘭溪嗟避世茅屋苦吟詩做
俗心猶壯思家淚欲垂狼煙今已息可從帝王歸

崇福寺

崇福前朝寺懸崖響瀑泉山藏雲裏路林鎖雨餘煙聽

法黃龍見馱經白馬還吟魂清似水頓悟大乘禪

大和寺

躡屐步山阿空門是大和殘僧經亂少野鳥競春多壞
壁生苔蘚頽碑長薜蘿夕陽紅影裏回首一悲歌
冰壺集

崇聖寺

即溫泉寺

明彭如鑑

路入招提境萋菲草樹稠遺碑存舊蹟得句寫新愁旛
影風前動鐘聲雲外幽讀書懷往哲明月滿江樓

招仙觀

明胡堅

親治鼎志 卷三
宦後隱茅椽深幽問紫元鶴空丹井月蛟漲碧潭天溪
谷千山雨園林一塢煙自尋高士傳何處更招仙
以上
淦志舊編

送子同會試

明周謨

聖代張賢網春官會俊才念渠當壯節乘傳上金臺盃
酒聊爲別中懷剩好開萬年資治策早早獻蓬萊

城南送友

明劉成穆

送汝歸南國燕山正早秋獨傷千里別同憶五陵游漢
殿相如賦吳江范蠡舟相思同易水日夜自悠悠
以上
舊編

讀書臺

明胡子持

雲物多蕭瑟高臺瞰遠岑偶臨今日地想見古人心松
焰畱餘照槐柯惜寸陰年年清淦水長伴讀書音
江西
詩徵

培山

明胡叔廉

培山松竹萃深處隱元微露滴黃花盞雲流紫氣飛鶴
鳴當晝寂鳳宿小春遲相親更相守端見此山奇
練溪
集

重九

明朱瓚

孤舟牽野水遠嶺帶寒雲木落危巢出江澄暗石分高
風饒破帽斜日倚紅裙歸去黃花酒門前問細君

納涼湖上

煩囂眠不定起立傍湖天涼月三更露香風半畝蓮青
山欲渡水螢火亂歸船去去復回首垂楊生曉煙

東山對雨

一雨望不及四山雲更多花溪送錦水苔壁界銀河獨
客擁寒袂老農披重簑沽樽信有酒誰爲發狂歌

以上
墨泉集

讀書臺

明
鄧伯言

茲山白雲裏古寺覺城東徑濕莓苔雨牕寒薜荔風傳
衣由惠遠洗硯憶陶公暫借禪牀坐心澄萬慮空

天柱峯

明
劉守謙

誰把乾坤柱立從太極先丹梯披曉霧碧澗瀑秋泉日
月高低見星辰左右旋無勞杞人慮萬古此槃天

淦志
舊編

龍安寺

偶以維摩坐真詮亦可尋慈航來覺海慧日滿禪林聽
說三生偈因空五蘊心拂衣一彈瑟古澗有龍吟

前題

明
韓上桂

古刹何年建凌空勢欲飛經聲翻貝葉佛供擁香薇石

磬猶堪拊瑤琴試一揮宰官今在否而我欲皈依

送饒湖田之京師

明 羅洪先

病身無復健忍聽鴈離羣彭蠡秋風後淮南木葉紛鼓
聲新戰士齊魯舊行軍壯歲堪酬主饒歌幸一聞念庵詩抄

龍安寺

明 張堯文

古跡山中寺今開江上樓廢興由造化生滅自春秋感
舊因風切逢僧剪燭畱登臨更無際九級立峯頭

百華寺

古寺隱莓苔冷泠眾壑迴青林藏墨沼赤日照書臺玉

岫牕中合犧樽竹外開分陰誰共惜歌罷不勝哀

淮志舊編

贈王孝行

明 干城

素鞞古來稀逢君慰我悲臯魚孤子淚蠶績邑人思喬
木千年在狂瀾一柱誰慈幃餘愛日莫愴蓼莪詩

江西詩徵

蕭氏雙節

明 簡芳

相對仰天呼西風並泣夫碧空殘月皎青鏡彩鸞孤孀
節堅金石清心湛玉壺柏舟人已逝名與地天俱

舊編

百華寺

國朝 施閏章

寺寄讀書臺荒庭雲不開山寒稀檜柏佛古盡莓苔晚

照孤帆下遙峯百丈來中丞題字後長聽野猿哀

東山

國朝 胡之琳

數里千峯壘雲封野衲家境幽宜有佛樹靜忽啼雅山
色當秋老鄉心共酒賒穿林憑眺遠天外起明霞

西禪寺

梵閣臨洲渚山城當戶橫樹從兩岸綠舟出半江輕花
發分幽思車遲候遠行馳驅何日息白髮鬢邊生

初入耽源

國朝 釋大銓

策杖尋仙蹟迂迴渡小谿雲封山寂寞草長路高低荒

殿猿爲穴空庭鳥自啼徘徊成浩歎日落萬峯西

舊編

壬申初夏過東山寺

國朝 李廷宰

曲徑小橋東幽尋古寺通江寒鐘更響林寂鳥俱空松
擁千層碧花畱百日紅從來清淨地人世不相同

東山詩抄

七賦山行

國朝 陳希獻

地僻塵埃隔山深行跡高雨移花粉褪雲鎖柳絲牢不
碍漁樵伴無妨歌咏豪近來筋力倦一半爲春勞

雲樵話答

讀顧俠君詩集賦贈

時俠君亦在粵

國朝 王泰牲

江左十五子於中誰冠軍古稱才八斗爾意欲全分落

筆能成賦高吟便入雲執鞭吾願足展卷一思君

知稼軒

將曉上法華示無染

國朝段官

滄波何日息古寺獨森然松色將沉月鐘聲欲曉天僧容眉覆面客夢醒兼眠已倦風塵意江邊望法船

舊編

訪陳次沙和文靖廬韻

國朝胡之瑾

林栖非卜築隨意愜幽居徑僻蘭香谷溪迴竹繞廬課耕多種秫把釣亦克蔬詩句疎盟久重來一起予

遊耽源寺止宿贈繡谷上人用詩僧鍵畿韻

祖庭依法席山路涉前谿雲出松陰滿風迴竹影低龍

潛春欲雨虎伏夜無啼殿角鐘聲起斜陽萬木西

金牛陂

棧行如蜀道栖息隴頭雲出牧青芝長羣歸絳葉紛老君應弛轡莊叟不衣文數畝黃稻地仙童帶月耘

以上

武溪詩集

登合州江岸同楊子廷諫王子雲錦

國朝李作相

聯山拖翠嶂合水夾孤城一塔江分影層樓磬曳聲炊煙時斷續茅屋半欹平把臂同遊者飄飄動逸情

醒園詩戲

東山松

國朝 饒夢銘

偃蓋松藏寺蒼顏古越今九霄摩鳳翼三峽想龍吟露
重聲常滴風微韻不沉清歌吹夜月細和紫鸞音

金川詩鈔

泊新淦縣次施愚山韻

國朝 錢時雍

寒雨添江漲荒蘆沒鴈糧山川橫白霧橘柚剪黃香南
市臨津岸東山選佛場維舟一相訊今古極茫茫

寄圃詩稿

鳳凰庵

掩靄森叢樾瞰江開古庵鳳凰飛不至龍象座中探清
磬出僧梵香芽畱客談到門驚夜色一月印寒潭

寄圃詩稿

藝文

詩近體三十

寄玉笥山沈道士廷瑞

南唐 徐鉉

珍重江南沈鍊師未曾相識久相思已全真氣能從俗
不墜家風善賦詩玉笥共遊知早晚金貂回顧覺喧卑
多慙書札遙相問更望刀圭換白髭

憶新淦觴池寄孟賓於員外

往年淦水駐行軒引得清流似月圓自有谿光還碧甃
不勞人力遞金船潤滋苔蘚欺茵席聲入松杉當管絃

珍重詩人頻管領莫教塵土咽潺潺

以上騎省詩集

次韻酬宋玘六首

宋王安石

洗雨吹風一月春山紅漫漫綠紛紛
褰裳遠野誰從我散策空陂忽見君
青眼坐傾新歲酒白頭追誦少年文
因嗟涉世終無補久使高才壅上聞

其二

東風渺渺客天涯病眼先春已見花
遠欲報君羞強聒老知隨俗厭雄誇
窮通往事真如夢得失秋毫豈更嗟
邂逅故人唯有醉醉中衣幘任欹斜

其三

城中燈火照青春遠引吾方避糾紛
遊衍水邊追野馬嘯歌林下應山君
愁尋徑草無求仲喜對簷花有廣文
邂逅一樽聊酩酊聲名身後豈須聞

其四

遠迹荒郊謝雋豪春風誰與駐干旄
故交重趼恩何厚新句連篇韻更高
美似狂醒初噉蔗快如衰病得觀濤
久知坏冶成天巧豈與人間共一陶

其五

無能私願祇求田時物安能學計然鑿井未成歌擊壤
射熊猶得夢釣天遙思故國歸來日畱滯新恩已去年
攜手與君遊最樂春風陂上水濺濺

其六

山陂疇昔從吾親諸父先生各佩紛零落長年誰語此
遲回故地却逢君衣冠偶坐論經術襁褓當時刺繡文
更怪高才終未遇有司何日選方聞

以上臨川集

書蘇州廳壁

宋孫冕

人生七十鬼爲鄰已覺風光屬別人莫待朝廷差致仕

早謀泉石養閑身去年河北曾逢李今日淮西又見陳

寄語姑蘇孫太守也須抖擻舊精神

宋詩紀事

山中見梅寄曾無疑

宋戴復古

香動寒山寂寞濱直從空谷見佳人樹頭樹底參差雪
枝北枝南次第春有此瑰琦在巖壑其他草樹亦精神
移根上苑誰云晚桃李依然在後陳

曾雲巢同相勉李王澗不赴召

詔書催赴紫宸班九奏君王乞掛冠日暮倒行非我事
一作急流勇退有何難地靈不隱金砂勝秋水長流玉

意

澗寒好把山林寄
圖畫試教天下故人看
以上石屏集

讀書臺

宋謝諤

莓苔點點路層層
此地分明勝槩增
天上樓臺山上寺
雲邊鐘鼓月邊僧
青松鶴弄灑金粉
寶塔星垂見夜燈
消盡塵襟千萬斛
石床閒倚聽殘經
舊編

送龔舜咨南歸

有序

元吳澄

舜咨一出遊觀京國畧不動
世俗利名之想浩然而歸
其志趣之超邁可尙已
詩以餞行

男子初生射矢蓬已包
六合在胸中往年南北一江限

今日車書四海同快甚
雙眸窺宇宙鄙哉百計入樊籠

浩歌歸去渾無事
栖碧山前月上東
草廬詩抄

前題

元虞集

玉笥山前好隱居
羣仙曾遣鶴傳書
石牙千折分塵界
雲闕層陰護玉廬
曾托文章通姓字
庶期衰暮寄樵漁
往遊自引門生去
祇問鄰家借筍輿
道園集

前題

元胡居敬

八千里外忽逢君
遽脫塵衣訪白雲
紫陌離人心草草
碧山怨鶴夢忻忻
波衝海澹漳川合
舟入鄱陽楚路分

珍重駟程詩句好不妨馳寄慰離羣

舊編

棲碧山爲龔舜咨賦

元 傅若金

山人愛山如李白幽棲還在碧雲深松杉繞屋清宵響
雷雨懸崖白晝陰石上每同仙客坐花間猶恐世人尋
京華日日多塵土終擬投簪話夙心

清江集

按揭曼碩云予欲賦栖碧久矣興無由起一日臨江
傅與礪來開卷同賦之予詩未成與礪已就非不可
更作念無可以過與礪也遂易結語而已

題山谷蕭峽詩後

大史遺風不可尋祇饒遺墨重千金雲煙慘淡連蕭峽
風雨蒼茫入阮林持翫每淹孤客坐買藏終見兩賢心
向來豪奪今何在撫卷長歌百感深

清江集

新淦畎步作

元 何 中

松筠色潤翠成圍鵝鴨聲多水漸肥隔縣販人爭野路
迎年姹女試新衣暖煙黃柳知春到殘雪青山伴客歸
茅屋酒旗隨處有悠悠世事儘相違

知非堂稿

遊新淦興善寺二首

元 劉 詵

不待前期偶出門酒壺詩擔散郊原樹連山勢高藏屋

路挾溪流曲抱邨老遇清游偏易感醉思往事了無言
此生定合重來否細踏沙頭屐齒痕

欲雨不成雲往還筍輿穩載度禪關青天四匝高峯外
白水交流亂畝間經論已隨仙客去佛煙長共老僧閒
竟忘柏子西來意惟有溪聲送出山

桂隱集

二月初晴題淦西居人樓壁

元郭鉉

老去才名久退潛樓前晴景逐人添雲連野樹深藏逕
風捲溪花亂入簾遠信忽傳聞徼外閒愁盡挂楚山尖
春光流轉曾相識獨怪經年雪滿髯

乙巳夏五月茶陵永新兵奄至遂走西暑雨浹

旬米薪俱乏旅途苦甚因賦詩示諸同行

白髮遺民真可哀途窮猶望北兵來關河割據將成讖
將相經綸豈乏材足繭荒山走風雨腹饑深夜吼春雷
主翁清曉催人發又報烽煙逼楚臺

三月十三日夜宿淦西山絕頂

夜登絕頂幾千尺臨曉始知歸路遙水滿大江舟宿宿
塵飛客路馬蕭蕭山河勢窄如懸網雲漢光低不作橋
十二年間多少恨春來不共凍痕消

以上靜思集

題巴邛龍母廟

元 劉永之

天開玉峽兩崖丹，隔岸諸峯似玉鬟。
神女不歸龍已化，仙翁飛去鶴空還。
碧壇芳草經年合，古殿蒼松落日閒。
萬里長風起天末，如聞環珮白雲間。

寄淦川友人

廢郭浮煙合綠蕪，茅茨星散縣樓孤。
江連戈舫鳴春鶴，樹對寒燈起夜烏。
古硯自磨銅雀瓦，坐氈還疊麝賓瑜。
市南美酒梨花白，最憶青絲繫玉壺。

以上山陰集

題貞女劉氏卷

并序

元 鄒 說

貞女者淦城劉均尙志之女也。許適南昌趙主簿之
子，世亂道阻，故婚禮未成。歲癸巳，鄉之爲強暴而擅
生殺者，欲強委禽焉。女謀於父母，自度不能拒，卽投
井死。文江解先生蒙聞而哀之，爲作傳而安城劉君
霖復銘墓碣。先是其二昆皆從穆監州舉義兵而死。
云

玉甃泓澄百尺深，翩翩弱質自浮沉。
笄纓恐負生前約，鐵石尤堅地下心。
碑述孝娥追舊誅，傳同烈女繼徽音。
二難義死俱無忝，共慰嚴親雪滿簪。

題定元帥子靜澄清軒

盛府幽軒瞰碧池，波平風靜愛淪漪。
一泓曉湛天光曙，百頃秋涵月色奇。
畫戟雙排垂柳細，珠簾半捲落花遲。
優游蓮幕清如許，賓客相過日賦詩。

呈知縣陳策承郡檄來徵以此辭之

九重拜命捧除書，出宰金川始下車。
百里連疇皆樂業，四封比屋盡安居。
朝天慣聽朝陽鳳，激水能甦涸轍魚。
愧我非才蒙薦剡，王門無分曳長裾。

題曹參趣裝圖送曹知州仲修赴京

寫真妙思出毫端，濟濟威儀是漢官。
一代經綸當世事，千年圖畫後人看。
葡萄內苑官壺重，楊柳孤舟野水寒。
此去重期資輔相，皇朝竚俟泰山安。

以上竹莊集

和韻答鄒超烈

明鄒誨

望斷湖山消息疏，別來風致近何如。
懷人寄字愁無鴈，爲客加餐喜有魚。
已見能詩追七步，猶聞勤學足三餘。
榮親待賜金花誥，綵服升堂問起居。

年來學業漸荒疏，每憶才高愧不如。
十樣花牋修五鳳，一緘錦字寄雙魚。
用工黃卷心無倦，步武青雲志有餘。

莫似潘郎頭欲白猶耽舊隱賦閒居

淦城中秋

金川此夕滯行舟好景平分一半秋粉署月高梧影靜
綺窻風細桂香浮幽懷城北尋蕭寺清興橋南上庾樓
此去朝天深有望九重奏對動宸旒

以上鳳筠集

挽定子靜

明周所立

綠錦池頭替使君近傳消息不堪聞的盧竟死檀溪險
鸚鵡翻成鄂土墳蒿里蕭條生夜月棠陰迢遞起秋雲
陳琳老大頭如雪無復軍前草檄文

明詩綜

前題

清江重鎮牧旌麾常憶蒸鵝餅餽時文彩風流三國士
才情濃艷六朝詩石龍劃起波濤變金鳳翻從澤國辭
千載羊公遺愛在行人揮淚峴山碑

秉器集

豫章曉起放舟

豫章城頭啼曉鴉豫章城下泛仙槎水生龍母螺螄港
春到滕王蛺蝶花待賈何期收駿骨浮生祇自惜年華
匡廬五老應相笑白首馳驅道路賒

應聘入京

大液波澄御柳長春風輦路百花香塵飛野馬過馳道
日出行宮轉畫廊通籍每趨青瑣闥獻書擬對紫薇郎
聖朝徵用賢良策衰朽深慙兩鬢霜

以上東遊倡和集

寄曾得之

明練子寧

高鳥知還久倦飛分甘萬里遠王畿虎頭食肉侯何用
雞舌含香事已違博望尋源經月去長卿喻蜀暫時歸
寄言玉笥雲中客終擬相從採薜薇

百華寺

閒抱瑤琴訪百華上人還與論三車能分香積廚中飯
慣煮孤山雨後茶洗墨池荒秋草合讀書臺古夕陽斜
壁間正好題詩句畱取他年護絳紗

贈彭潭泉

東注靈源紫水隈漪漪一鑑自天開誰歌窈窕吹簫至
我擊空明舉棹來麗影雲霞涵萬象分輝星斗見三台
主人許國彈冠去明月清風滿釣臺

早朝

銀燭光中烏夜啼禁闌肅肅候晨雞掖門聯步聞清漏
上苑看花憶舊題王氣曉瞻雙闕上文星夜貫五雲西

明朝珂珮朝天去金殿春風玉笋齊

其二

紫陌行來曙色微姓名催喚入金闈靜鞭響徹鴛班肅
贊禮聲高虎拜齊珂珮共聆天上語文章時赴御前題
朝回日晏長安道風送飛花襯馬蹄

元旦

扶桑日出曉雲紅玉歷頒來斗柄東龍虎風雲千載會
衣冠玉帛萬方同柳芽轉暖晴光動花蕊迎陽淑氣融
自是昇平開泰運相期吾道永興隆

其二

扶桑日轉曉瞳瞳千樹梅花雪未融酌酒迎春瞻北斗
升堂賀歲遇東風天垂華蓋青雲近地接仙源玉澗通
二頃石田今廢盡獨持書劔望年豐

早朝和徐子權韻

瞳瞳旭日上東山金鎖齊開虎豹關霧靄爐煙當鳳展
風傳臚唱肅鴛班呈來八駿花前簇朝散千官柳外還
回望蓬萊猶咫尺薰絃奏徹五雲間

廷試作

天子臨軒策治安近臣如雨侍金鑿百年禮樂成周典
一代威儀陋漢官文氣夜連奎壁動龍光晴射斗牛寒
董生莫負天人策學術須期百世看

東金秀才幼孜

令譽常從早歲聞麟經學問獨超羣
篝燈寒聽清宵雨
覓句晴看白晝雲未向月宮攀古桂
先從泮水採香芹
交遊幸遂論心樂尊酒常同坐夕曛

以上玉屑集

送周編修功敘南歸省親

明金幼孜

京華每日念慈闈目斷西江思欲飛
方切陳詞趨北關
喜聞給驛賜南歸
薊門天闊鴻聲遠
淮海霜清木葉稀
想得到家稱壽日
天香猶自染斑衣

濟美堂爲郭郎中鼎貞題

故家世系出汾陽數百年來倍有光
門外青山餘黛色
屋邊喬木老風霜
傳家自信詩書美
啟後方知慶澤長
回首東梅溪上路
至今簪笏照高堂

贈赤水張經歷矩秩滿還官矩嘗爲新淦知縣

昔年相見忝諸生此日重逢愧老成
紫陌看花同是客
燈前對酒若爲情
湘江水煥春來綠
蜀道雲開雪後晴

此去轅門勤贊畫佇看鸚薦有公卿

分題得巽館絃歌送蕭太守伯辰還深州

太守興賢費琢磨諸生歲久沐餘波黃堂晝永鞭笞靜
泮水春深雨露多已許閭閻興揖讓屢聞父老誦時和
州人自此敦風教不獨文翁有咏歌

贈蕭鶴年還新淦

遠遊今識帝王州暫住還聞買去舟早從北闕瞻麟鳳
却望西江候斗牛聖世才華難自致故家文獻許相求
底事匆匆不相見詩成何以慰離愁

贈宗魯貝廣文還新淦

去年醵會忽相違此日重來慰所思金闕早朝曾賜酒
玉堂夜語謾論詩斗南冠冕文星聚泮水絃歌化雨滋
慙愧菲材叨寵遇感懷何以報明時

贈王持翰掾河南都司兼寄黃伴讀體方

三年京國獨相知遠別那堪對酒卮淮浦好山青似染
汴河新漲綠生漪春風洛下堪攜酒夜雨轅門定賦詩
若遇故人黃伴讀爲言千里重相思

七夕與蕭迪寬對酌賦此

又向玉京逢七夕一樽聊與故人同
鵲橋有路雙星會
銀漢無波一水通
簾外蛛絲頻墜
路樓前鳳管獨吹風
玉堂話舊憐知己
坐對明燈夜未終

贈蕭迪敷南還

曉日都門鶯亂鳴
那堪把酒問歸程
天涯綠暗花將盡
沽口船高水正生
莫爲難兄傷別意
極知慈母慰深情
故鄉耆舊如相見
爲道平安寄遠聲

以上文靖集

官湖風景

金川八景逸其一

明黃體方

煙廓平湖百畝開
登臨會上百花臺
芙蓉日映紅雲合
楊柳風翻翠浪堆
流水小橋通畫舫
綠陰幽徑長蒼苔
風流試問歸何日
結箇茅亭泛酒杯

界市人煙

潯湘江右水明沙
一埠人煙數百家
水驛船來官鼓響
市橋風轉酒旗斜
青青巷陌煙中柳
白白園林雪後花
絕勝武昌城上望
漢陽天晚有歸鴉

東嶺朝雲

大小高峯並柱天
曉來雲氣自相連
隨風忽作波濤湧
捧日俄成錦繡懸
幾度從龍辭遠岫
有時拖雨漲平田

相期歸臥東臯上閒看香爐噴紫煙

南溪夜月

縣城南面秀溪環明月浮光滉漾間微有煙波沉玉塔
寂無風浪湧銀山江橋隱若雙虹臥野艇歸來一葉閒
月色溪光清似許何年把釣弄潺湲

北渚春濤

長江東望水滔滔紅雨飛來點翠濤拍岸遠驚銀屋碎
衝天頻見雪山高風揚帆勢爭馳驟龍挾潮聲起怒號
有似廣陵楊子渡幾迴登覽興偏豪

以上舊編

金水澄清

秋江如帶遶江城萬頃玻璃掌樣平雨洗水天真一色
雲收風月自雙清幾行鴈字沉波淨五色雲文曜錦明
我有草堂東渚上何時歸去濯塵纓

玉山積雪

仙山積雪白嶙峋誰布瀛州萬斛塵六六峯巒皆削玉
重重樓觀盡堆銀午夜喘寒潭月瑤草晴生石洞春
咫尺玉京天路近醉騎黃鶴快仙人

以上舊編

豫章曉起放舟

明張美和

新治果志 卷三
城上疎鐘散曙鴉舟人催放客中槎
輓轡聲轉千家井
睥睨雲開萬樹花
舊夢不堪來枕畔
暮年何事入京華
放懷索莫難消遠
爲問旗亭酒可賒

入京次韻

帝京北枕蔣山長
一路春風柳絮香
虎衛雲連開第宅
鳳城日出麗巖廊
紅妝倚檻樓頭女
白面搖鞭馬上郎
愧我來遊承鸚薦
不堪華髮半成霜

贈彭潭泉

幾度輕颺小小舟
潭泉愛我訪清幽
乾坤好景無盡藏
江海靈源注上流
霽月躍金雲夢曉
澄波沉璧洞庭秋
銀河遠接乘槎水
笑語當年博望侯

寄定子靜辭任

大府陳情遇好音
辭歸將請勝腰金
南山不負幽棲志
北闕空懷仰望心
爲客經時黃葉落
思親終古白雲深
家人念我如相問
爲說蕭蕭雪滿簪

歸隱

歸來江上看青山
種柳成陰漸可攀
舊夢任隨流水去
此身常伴白雲閒
錦囊青帙收千卷
金井丹砂貯九還

畱得玉堂揮翰手贖題佳句落人間以上吾樂山房集

早朝

明胡儼

曈曨初日曙光遙鐘鼓聲傳下九霄萬國衣冠趨象魏
兩階千戚奏箭韶天清華蓋雲中見風細爐煙仗外飄
朝出金門還北望鍾山蒼翠正茗蕘

立春日卽事柬光大學士幼孜諭德

京尹朝天遠進春步隨仙樂上楓宸御爐香起雲移仗
輦路風清雪壓塵緹室葭灰吹管動寶旛銀勝翦花新
珮聲未散頻催宴白玉筵前是近臣

答楊少傅勉仁有懷故里

蕭然一榻病相如夢臥城南水竹居玉笥松楸懷故里
青燈風雨課殘書眼前文物交遊少霜後園林橘柚餘
藥裏尋常筋力盡敢勞谷口有來車

退朝口號呈同院諸公

五雲樓觀壓金鰲玉笋班頭列絳袍總有才華追賈董
自慚疎朽接夔臯簫韶合奏爐煙上袞冕遙臨黼座高
朝退從容回左闕瑣廳分席共抽毫

秘閣書事簡諸同志

秘閣清嚴接觀臺九重佳氣護蓬萊宮牆樹近鶯聲度
金水芹香燕子來行傍朱闌吟細雨坐分瑤席絕浮埃
太平無事多休暇忝列詞林愧不才

元夕待宴

風清華月麗晴空湛露筵開聖澤濃燈火遙連丹闕外
簫韶只在綵雲中九重瑞靄浮金雀萬樹銀花燦玉虹
光祿傳宣催進酒烏紗都映醉顏紅

其二

寶山凝翠玉樓前火樹銀花照御筵羅綺香濃春色早
琉璃影碧夜光懸翩翩鸞鶴來三島燦燦星河下九天
一派笙簫彩雲裏好風吹送萬方傳

以上若思集

前貢士練伯升新春貽新詩且云將去於龍虎山

之側卜居因和其韻以爲別

明梁寅

碧山泉石與心親應愛桃花萬樹春采藥將爲貞遯士
掉頭相別未歸人猿猴翠谷懷思久龍虎丹經點勘頻
珠在褐衣誰解識紛紛惟羨五侯賓

名家兄弟昔相親又喜同看上苑春違宦不求勾漏令
明時却慕潁陽人居隣仙洞何嫌僻書寄山翁莫厭頻

我亦巢雲戀巖壑松花釀酒日留賓

舟還樟鎮呈周所立

停舟蘭渚步東風來訪高賢柳市
中客權五湖千里別
漁竿一壑兩心同琴彈山水清
殊俗賦寫煙雲老更工
天上故人多厚愛不教猿鶴怪
山翁

以上石門集

懷中書舍人金幼孜

明宋一俊

清夜沉沉憶故人浮生出處共誰陳
百年事業偏慚我
一代文章定屬君前席從容論禮樂
中書次第寫絲綸
吾皇重事應多問勿使持竿釣渭濱

寄教授周所立

老子春秋過楚邛聲名此日滿皇州
草書不讓諸王帖
珠履寧千萬戶侯泮水東風彈綠綺
金川皓月看吳鉤
蒲輪早晚來相召未許盤墩久滯留

盤所爲李國賦

紫淦盤中隱者居人間勝地總無如
山凝翠黛圍金屋
泉瑩玻璃浸石渠花底得觴春繫馬
柳邊垂釣晚求魚
塞予天上歸來後得與徜徉共讀書

寄慰練修撰病起

臥病驚寒小雪天，門前車馬任喧闐。
倩人問卜推皇極，着意尋醫費藥錢。
軫念已聞勞聖主，問安多見集班聯。
只今喜得全瘳日，紫陌看花快着鞭。

題黃體方贈別吳燕壽青山別思圖

錦帆得意到姑蘇，復入梁園訪舊都。
地接太行山翠嶽，雲連艮嶽樹模糊。
歌樓縱酒春風暖，旅舍題詩夜月孤。
好是故人黃伴讀，臨岐分手贈新圖。

題百丈峯

佳名百丈壯崔嵬，玉宇瓊樓面面開。
古木蒼藤疑虎豹，青天白晝起雲雷。
雨添石溜飛銀瀑，風落巖花雜草萊。
書暇乘閒遊覽遍，緱山日看鶴飛回。

東雷山

布襪芒鞋時到山，十年幽賞暫開顏。
紫巖日射金銀燦，古樹霜迴虎豹斑。
隱隱神明來海島，遙遙仙籟響雲寰。
却憐鴉背浮光急，帶得天風兩袖還。

早朝

禁鼓聲高曙色微，九門銀燭影交輝。
趨朝袍笏齊班次，守衛弓刀肅仗儀。
父老承恩瞻玉珮，蠻夷入貢拜丹墀。

布衣臣子慚無補俯聽綸音出最遲

其二

漏轉聲殘曉箭催黃金鎖啟殿門開九重仙樂迎輿出
萬國朝官進表來花綻玉梅香已動灰飛葭管氣初回
侍臣拜舞山呼處五色雲中獻壽杯

讀書臺

臺上青天散曉霞臺前風雨弄梅花辛勤運甃渾閒事
忠孝畱名有幾家視沼餘書經雨盡竹林清致倚雲斜
我來縱目追前事細和新詩小篆沙

以上冰壺集

贈彭潭泉

明楊士奇

一鑑天開雲水鄉潭泉澄澈卽滄浪蛟宮吐霧騰秋氣
蚌室還珠得夜光清景入詩吟骨冷餘波染翰墨痕香
問津未已東周念何事羊裘不姓莊

東里集

欽賜爲善陰隲書進呈

明鄒孟爵

帝德宏敷海宇清普天率土樂昇平生民盛世歸皇極
陰隲新編重聖情萬古日星垂寶訓九天奎壁煥文明
小臣何幸蒙頒賜稽首瑤階拜寵榮

高真觀

官市南行小路斜石頭流水遶仙家一林古桂叢秋靄
半畝靈芝護晚霞丹井畱題揮綵筆仙廚亭午飯胡麻
道人更有明年約來看碧桃千樹花

舊編

望玉笥山感懷

明羅養蒙

勲業飄零梅子真江山誰與訪遺塵艱難不獨悲前事
慷慨徒勞憶故人太乙圖書元在漢東周禾黍半歸秦
晴天玉笥秋風上欲薦蘋花淚滿巾

明詩綜

元旦待漏

明胡雲端

雞鳴漏徹馬頻嘶絳蠟籠紗滿御堤露瀉金莖雙闕曉
天垂黃屋五雲低平平輦路通霄漢耿耿文星煥壁奎
列國衣冠咸獻歲八荒壽域喜同躋

奉詔歸里

半世功名一旦收多情爲我更何求家貧到骨原非病
詩債關心不是愁樽酒且須陪客醉廟堂有待爲民憂
乘閒且理棲遲事付與浮生任去畱

以上舊編

過漢都武皇陵

明劉成穆

歲暮霜殘過漢都武皇陵墓舊荒蕪不將玉匣藏天馬
猶使金鐙照野狐賦客詞園清露盡仙翁丹竈白雲孤

千年惟有秋風曲渭水長流啼夜鳥

秉器集

讀書臺

明王佐

按部囊箱久不開春風忽上讀書臺
泉分墨影池中水花點芸香徑裏苔
滿目山河非晉有幾人冠蓋爲陶來
石頭城下溫無語此地於今一草萊

舊編

友愛堂

明劉纓

湖溪須向此堂誇手足恩全樂未涯
津變不分今白首一田無訟久名家
庭中春暖荆花並簾外風晴鴈影斜
物理分明見天造肯將人道比泥沙

友愛堂詩抄

贈王孝行

明干城

素冠素鞞古來稀眼底逢君慰我悲
守禮自知舉相似居廬郤媿未同歸
儒林喬木清芬在江漢狂瀾砥柱誰
頭白慈幃能愛日不須腸斷蓼莪詩

舊編

讀書臺

明劉守謙

大尉當年此故邛惜陰軒畔幾春秋
讀書人去臺空在洗墨池荒水自流
江表山河揮客淚中原戎馬使公愁
金川巨浪兼天湧彷彿樓船下石頭

舊編

湓山

明劉先春

新治縣志 卷三
雲拖雨脚掩晴嵐笑指滄峯第一山大上蓬萊容我到
山中風景許誰閒碧桃花藹經千樹丹竈煙消合九還
我亦前身劉禹錫綠苔又襯落英寒

石門寺

臨高謝屐思悠然欲向三清問大元一枕蝶翻樓上月
數聲雞破嶺頭煙閒身不礙僧爲伴野夢無侵我自仙
持挹紫芝歸玉馬九天鸞鶴共迴旋

舊編

龍安寺

明胡子泰

元室風清掃俗埃何須入海訪蓬萊猿鶴古洞遊人去
鶴遶秋壇羽士來世路幾回青草合仙家依舊碧桃開
惟當結屋丹崖畔讀罷黃庭戴月回

江西詩徵

英佑侯祠

明胡廣

洋洲神主錦雲袍三世公孫道德高四海起身撐日月
五湖反掌息波濤蒼松晝鎖蛟龍甲翠竹春生鸞鳳毛
故里居民思德澤綿綿香火報功勞

舊志

東嶽鼓晡

明夏宏

蕭坊八景逸其一

江上青山日欲晡

潘純

廟西鳴鼓隔清湖

王中

驚殘暮

雨投林鵲丁復聲逐斜陽返哺鳥張起岩亂擊楓林秋

社晚黃月屋漫敲旅舍客懷孤林旅家山好景多幽賞

張天雨更擬丹青作畫圖張翌

桃園紅雨

遠屋春來萬樹花崔道融捲簾紅紫映交加張沁絳綃

薄襯千機錦司空曙翠幄輕籠五色霞僧靈一醉倚晚

妝臨水樹岑參亂分春色到人家秦少游莫教零落如

紅雨范石湖空使東君獨怨嗟楊載

柳泣青煙

溪上徘徊望眼迷李涉溪頭煙雨晚冥冥李鄴晴分樹

杪千巖碧來鵬淡抹山腰一半青桃合楊柳陰連蒼蘚

徑吳全節鳧鷖暖趁綠蕪汀吳雲數椽茅屋冰綃隔顧

况誰向林間問客星陸景龍

洋洲牧唱

湖上輕風吹柳絲吳志淳牧童牛背去家遲滕毅長歌

有趣連聲和麥敬存短笛無腔信口吹雷震剩水殘山

晴耿耿李宗頤淡煙斜日照離離黃縉歸來飽飯黃昏

後無名氏脫卻青簑帶雨披危進

渡口樵歸

曾看仙人一局棋詩渾 雲林回首重淒淒宋無 負薪待

渡行將晚張易 歸路如弦定不迷黃縉 一片白雲晴雨

外柯九思 數聲黃鳥夕陽西丁復 爛柯誰識當年趣倪

瓚無名氏 悔別青山憶舊溪

清湖釣雪

古木陰中繫短篷僧志南 清溪溪上一漁翁張養淡 天

孫剪水銀河畔皇甫曾 錦鯉拋梭玉鏡中楊英 六出亂

翻香餌雪王儀伯 一竿輕颺釣絲風鄧文原 等閒袖卻

經綸手胡仕則 莫遣垂瓚復夢熊董良史 以上舊編

宅近廬山東復東歐陽玄 靜閒初曙報晨鐘李中 驚回

幻海三生夢李子構 響逐征途百里風宋梅澗 霜降豐

山聲自應劉後桂 月殘鳩鵲漏初終崔魯 幾回聽罷東

方白杜本 馬足車輪到處通薛蓬 廬山鐘曉

聳翠樓為胡進用題

明周謨

中洲勝地擁層樓環抱皆山景更幽初日到簾朝翠藹

淡雲飛棟暮煙浮丹青摩詰宜圖畫詩酒東坡稱賞遊

老子青藜何日過曲欄高倚賦重留

送曾舜隣往安遠兼柬甘大尹

相攜何事去匆匆爲煉丹砂訪葛洪樽酒離亭傷遠別
溪山深處覓仙翁解裝定沐三春雨歸棹應乘五月風
函丈從容如我問殷勤煩道老龍鍾

喜胡進用宿舍下

卹子清才重子賢情孚意合自忘年臨篇豈獨文章俊
語士尤誇德義全睽別幾年同皓首笑吟今日共寒氈
竹爐火簇湯瓶暖不惜挑燈廢夜眠

岳武穆碑

寺閣山腰別有臺光明眞爲老僧開喜無俗客閒來往
幸有高人費剪裁傍柱曾容同聽法渡河每見獨乘杯
豪吟剩得劉君筆凜凜風霜逼隴梅

輓羅一峯

寒牕京國話綢繆一作參商幾度秋補袞有疏君特異
安邊微勩我粗酬正思山水俱尋樂忽爾存亡起慟憂
回首金牛餘百里炙雞未奠恨悠悠

都憲孫公偉德致政却寄

萬里歸帆泊故灘蕭然清況爲君歡庸情盡說爲官好

拙老惟嘉保退難天地丈夫懷了了江山風物景完完
論心一社將應結佳日柴車迭往還

以上東臯集

和袁陶齋雷祠紀遊

明黃仁山

雨霽山城草色乾滿郊清景襲衣冠林邊曲奏笙簧合
野外杯行翡翠寒淡日暖風縈荇帶荒塘綠水泛荷盤
賡酬自有高人在得句應書卷裏看

設解金龜醉列仙翛然玉樹倚風前時光到眼原堪悅
春色如塵亦可憐歌吹未闌情已洽主賓不語意先傳
酒酣政爾乘歸興細草幽花作意妍

以上舊編

龍安寺

明文徵明

木末層軒倚汶漻西風白首不勝搔天垂一鏡蓬壺近
雲擁千峯梵刹高雨後新波浮碧落煙中遠渚見黃茅
含情長歎下山去竹徑松風萬壑濤

甫田集

英佑侯祠

明彭綱

香霧深中坐紫袍明神遺像肅清高乾坤上下扶元化
風雨江湖息怒濤估客每來捐海貝兒孫自是薦溪毛
祇今祠宇盈穹內遍駕靈螭不見勞

前題

明邱士毅

廟食章江枕上游萍蹤去住幾經秋一樽明水通靈契
百拜英風識故侯霧靜游龍依澤國沙平寒鴈下汀洲
神京萬里襟喉地長使馮夷助順流

以上舊志

龍安寺

萬燈原是一燈燃薪盡由來火自傳縱使劫灰沉大地
不妨妙湛出先天摩泥獨現真空相寶月常堪慧照圓
見說曹溪能穎悟謾猜衣鉢向誰邊

寄懷秉器金陵

明張佳允

秣陵亦是漢西京詞賦君垂作者名出領一州如斗大

來看五馬似龍行民間歌舞褰帷見郡裏江山坐嘯清
多少青梧齋閣外政成應有鳳凰鳴

江西詩徵

龍安寺

明羅洪先

寺古江城第一灣神龍深護海雲關千竿玉索庭前竹
萬疊螺屏海上山風掃苔磯畱客坐月明蘭櫂載僧還
我來頓覺塵埃淨名利於今始是閒

念庵集

楊禪寺

行行行到老山均宿我茅廬萬慮消瓦礫煨茶燒竹葉
石巖流水洗柳瓢舒舒卷卷雲千里曲曲灣灣路一條

此去上方應不遠自家風月自家挑

新淦賊退志喜

孤城初試六鈞弓一箭還收百戰功
落葉風前秋氣爽倚樓江上暮愁空
騎催露布傳宵遁帆下風檣識歲豐
却念宵衣書帛遠上林早晚待飛鴻

同年吳雲泉棄官南歸有贈

與君同榜復隣州十載飛騰獨寵優
兵馬東川唐節度簡書關外漢諸侯
忽聞暮雨翻巴曲不待秋風歸楚舟
直道古來多屈抑幾人身退志俱酬

吳雲泉初遊石蓮洞

山中古洞初歸主林外穿雲遠共君
石作蓮花疑半拆僧如迦葉可爲羣
未須說法來猿聽恐有遺書似鳥文
去住莫言隨所遇年年風月待平分

蓮湖

湖水遙連紫淦潯讀書高閣傍湖陰
蛟龍出浪聞新曲鷗鳥忘機聽古琴
墨潤圖書春冉冉窻寒燈火夜深深
日長獨坐無來客細拂芸香辟蠹蟬
以上念庵詩抄

前題

明彭綱

飛甍翼翼面蓮湖萬卷經書閣上儲克棟不殊楊子宅
汗牛何異鄴侯居波搖素影分蝌蚪芸散清香走蠹魚
夜半唔咿人靜後練囊螢火綺窻虛

龍迴寺

明 胡叔廉

山寺春深寒尚凍炭爐對酒夜初紅老僧好客若相勸
遊子長途未是窮倦後三杯偏易醉悟餘萬法總皆空
憇來更覺禪扃靜滿室松濤萬壑風 以上舊志

其二

十年重歷龍迴路孟夏山花晚更紅谷暖應畱春氣在
溪遙莫測水源窮人間隨處行踪闊慮澹由來世界空
坐聽老僧談理罷冷然高興欲乘風 練溪集

杉庵

萬木杉庵十里陰清秋躍馬共登臨崑山日煖虹時見
廬嶺峯高虎晝吟濫厠禁闈懷北闕結盟蓮社憶東林
鯨波塞上聞氛警淨掃憑誰慰聖情 練溪集

送朱秉器守渝州

明 張肖甫

簡書朝下帝城春此日分符得玉麈自是使君稱長者
由來岳牧用詞人雙旌夜入刀州夢五馬風清折阪塵

便欲西歸從父老相攜簞食大江濱

同盛仲交蔡世卿過朱秉器比部

明

莫廷韓

帝里風光入望新天涯時喜得比隣似憐薄命才情減
可柰浮生歲序頻南國棲遲歸大隱西曹閑散屬詞臣
長安裘馬澗行色又見鶯花及早春

白下寄朱孟震比部

明梅鼎祚

雄才原自豫章聞列署風流盡屬君珠自驪龍干北斗
錦從飛鴈破南雲天低二水回青影日落諸陵散紫氛
卽有金莖慰消渴漢庭今重子虛文

以上明詩綜

同羅念庵登百丈峯

明吳遠

衲衲乾坤且放吟眼前桃李正春深我憑臘屐添新賞
鳥戀花枝送好音無意行踪沾滯少隨時舒卷歲華侵
此身拚作煙霞主指點江山入畫屏

讀書臺

明陳琦

水色山光面面開乾坤牢落此孤臺寒煙老屋營巢燕
春雨殘碑臥石苔千載英風猶可想八州奇夢孰占來
轡車弔古增惆悵笑爲先生闢草萊

以上舊編

壽龍山劉君

明朱瓚

百年光景剛分半况值青皇未老時堂下落紅徵賢富
杯中浮白祝期頤丹心屢建平苗策皓首猶懷報國私
我宰鄰邦資保障旋圖山海獻新詩

墨泉集

初春送朱比部

明盛時泰

幾年官寄白雲司日日行吟湖水湄五馬西川今作守
一尊南郭暫相持天邊雲樹依臺遠雪後春濤出峽遲
自昔蜀中饒勝蹟品題應是待新詩

蒼潤軒集

鹿江夜雨有懷黃嘉遜一鳳

明張叔鏜

風雨孤篷抱短綯各天容易感離愁
蘼蕪共泛三冬雪舴艋驚分二水洲
對酒強爲嵇散飲逢人羞說馬卿裘
祇今且聽鄉關曲小草行須賦壯遊

明致居苦雨

明致居在郡城

負郭茅齋卜築深吟牕愁坐晝陰陰
小池忽漲魚趨市急雨如傾鳥避林
石蘚難支南郭履礎流時漬子輿襟
奚奴更道鄉村苦萬井煙沈淚不禁

送胡雲端之京

明張美和編張律後

天子龍飛辟俊才金灘江上錦帆開
龍泉劍自豐城出明月珠從合浦來
王氣曉浮鳩鵲觀文章宵應鳳凰臺

錦袍公子仙舟侶金榜東風取次催

贈干中書汝霖

明 陳紹夔

一從應詔到皇州籍籍聲名早見收
詩法唐人宗杜甫書精晉帖效鍾繇
連城碧玉多高價合浦明珠不暗投
史館功成沾寵渥班聯鴛鴦拜宸旒

以上舊編

贈胡練溪南還

明 嚴嵩

畫舫乘春玉峽歸恩光兼許奉庭闈
晴煙野岸梅爭發遲日山亭燕始飛
花色映觴供壽酒天香攜袖試官衣
民風到處觀應遍細寫封章達禁扉

介溪詩抄

元旦

明 胡子泰

紫禁敲殘五夜鐘扶桑初日上曈曨
三千禮樂春風裏十二樓臺王氣中
濟濟冠裳新獻歲滔滔江漢舊朝宗
吾皇神聖天同德載展龍圖壯九重

舊編

登雲寺

明 朱孟震

山寺雲深五月寒門前犀石倚巔岼
波濤倏傍秦江轉神恠翻愁牛渚看
未擬三車窺法界且憑二雅醉騷壇
諸天風雨冷然至不信恒河欲渡難

秀水湖

秀水湖頭春可憐，遶堤花柳媚遙天。風微鳧鷖參差下，日麗樓臺紫翠連。龍氣深湫晴似雨，馬蹄芳草暖浮煙。白雲自是神仙署，誰道蓬萊弱水邊。

秉器集

明 饒宏遇

壁壘參差擁勝圖，楊吳此地列兵符。跨江立幟已城郭，闢土屯倉猶草蕪。簿水未消千古恨，金川誰誌一杯郗。年年野樹鳴金鐵，疑是唐家簡命呼。

舊編

素風軒

明 王文燿

傲吏高齋撫碧岑，憑軒元覽恣披襟。家承墨綬垂清白，架插牙籤邃古今。皎皎星華涵水鏡，寥寥天籟度瑤林。援琴欲鼓南薰曲，下指泠泠清素心。

金川公館

明 王建中

雨後雙旌徹曉行，停驂一望暮雲輕。無邊落木風霜老，何處登樓夜月明。萬里秋澄寒鴈影，五更鄉夢曉雞聲。馳驅竟日關何事，執掌而今只送迎。

以上舊編

東皂嶺

明 張時

百尺嶙峋插碧空，丹梯曲曲步從容。四山雲氣盡爲雨，一徑秋聲半是松。招手引來搖海鶴，浩歌驚起斷崖龍。

青牛白鹿知何在漫對山靈覓舊蹤

舊編

清梵寺

明 呂應宮

重來刹宇覓仙真寂寂荒煙鎖暮春
偈說五燈開上乘航呼一葦渡迷津
但翻貝葉雲垂石不著天花月照人
幻境是真真是幻光明室裏水爲身

舊編

蕭氏雙節

明 陳憲

蕭氏雙居有二難斷金相與淚欄杆
百年長恨天和老一醮初心井不瀾
白髮奉甘春酒熟青鸞弔影夜燈寒
柏舟舊有共姜在今古三人一樣看

雙節廖氏羅氏

明 陳裕

共姜並出世應無兩未亡人善哭夫
一片真心頭各白四行老淚眼俱枯
曉牕對坐愁窺鏡夜室相依競辟纒
官府事聞蠲戶役爲旌雙節下皇都

前題

明 余佑

連枝早惜紫荆殘娣姒翻稱是二難
忍遂頽風傾大厦誓將弱質障狂瀾
春容臨鏡同悲稿夜影挑燈各耐寒
完得白頭身似璧黃泉不愧兩髦看

前題

明 華忠

聞說東南兩婦人柏舟一氣誓堅貞乾坤義節中流柱
身外繁華陌路塵姓字定堪垂竹帛旌章先見下楓宸
莫言天道辜人善試看兒孫有鳳麟

以上節孝錄

新淦道中懷門人林公韞兼寄丁鴈水

國朝 王士正

七載相思木蘭道那知相見鬱孤臺江湖漁洞扁舟遠
賓主東南一代才伏雨闌風朝復暮滄波白鳥去還來

三洲不共窪樽飲懷抱何因得好開

精華錄 一續志 三洲在豐城縣北

三里謂楊林洲金雞洲 牛宿洲也

新淦舟次

國朝 丁 焯

城下空江向北流虔州西上正悠悠柳邊過雨鷺窺網
花外夕陽人倚樓漁笛數聲愁欲劇逢窻孤枕夢偏幽
一川煙景頻來往每對青山憶舊遊

感舊集

讀書臺

國朝 施閏章

山寺鴉啼灌木陰荒臺有客共登臨雲開對岸青峯遠
江擁孤城白露深春草迷離紆誦地夕陽憑弔古今心
野塘流水猶無恙舊刻殘碑何處尋

惜陰書院

愁疾經秋感鬢絲素心惟與白雲期墨池千載存山麓
講席諸生共水濱把酒醉看初放菊臨風重續舊題詩
惜陰盛事誰堪繼長憶金川接坐時

和韻

國朝

胡之琳

花含籬菊雨絲絲良會今朝喜共期邀得青蓮驚倒峽
移來白鹿向清湄江風拂拂生新意石碣班班認舊詩
賴有大儒重發部無邊光景惜陰時

以上舊編

國朝

王言

讀書臺

晴高天宇掃雲陰偕友乘春載酒臨濃淡百花開寺遍

微茫一艇釣江深風聲披拂詩書氣山勢崢嶸豪傑心
好景滿前難着句殘碑古篆可重尋

以上舊編

玉笥山

國朝

孫之鳳

塵埃事業等山溪到處昂然鶴在雞澗水自鳴僧屋外
山光常擁畫樓西操觚陣裏人顏老彈指聲中客意悽
樽酒設傾清思發悠悠三十五年迷

江西詩徵

嬾拙

國朝

釋九達

自評非聖亦非凡嬾拙由來與道函竹戶有雲休用鎖
禪門無草不須芟雨餘曳屐看飛瀑飯後攜鋤倚斷巖

莫謂好山僧占盡冠裳誰肯掛松杉

其二

長年病得瘦稜稜事事疏慵百不能對客深藏三寸舌
息機惟握一條藤攜鏡採蕨雲爲侶借地栽梅月作朋
今日高軒滿京雒紅塵遺我作閒僧

其三

夕陽欲下暫淹留等我詩成放爾休硯底波濤藏不住
筆端風雨霎難收參差翠竹迷峯影重疊煙巒列案頭
賴有落霞開晚照儘堪豁我一雙眸

以上東山詩抄

愚山施公集都人士講學於讀書臺卽事賦詩次

韻奉和

國朝熊僕

霏霏玉屑寫烏絲異代徽音可並期勝迹長存山有徑
美人欣在水之湄晴雲護取書堂草夜月敲殘石壁詩
眼底分陰須共惜莫將燕坐負昌時

秀峰山

胡之琳

百尺樓空雉堞圉秀峰環翠靄晴暉三台峙列青蓮嶂
萬畝平開白鷺磯遠色難明雲樹合斷烟將盡水田微
傷心莫極登高望酒淚淒涼滿客衣

以上舊編

信宿法華寺胡旣安陳兼萬讀書其中殊不岑寂
因憶舊遊聊賦此以誌歲月

國朝 陳希獻

花木深深到上方遊春信宿愛幽芳書聲夜靜隨鐘遠
爐靄晨飄帶墨香一徑穿林通嶺表長江遶戶下淮揚
依稀過此今來幾四十三年烏兔忙

宴集讀書臺卽席賦

國朝 王泰銓

大尉勲名憶昔年願爲豪傑不爲仙高臺人去畱荒草
臥碣苔生沒古篇春雨半江侵酒氣晚山幾點結詩緣
傳巖舟楫諸君事何必滔滔嘆逝川

寄懷段五明臺

春來未讀先生句便覺鶯花太寂寥
我不曾分一棗喚人何處試三蕉
設元欲叩庚申訣咏古慵披丁卯橋
風雨忽聞雙鶴唳翛然槐巷想孤標

由庶常改授戶曹漫紀

幾年珥筆奏長楊此日承恩拜省卽豈解度支籌國賦
但能清儉凜官常新霑雨露司農印舊染香煙白玉堂
碌碌簿書叢裏過漫將雙鬢笑馮唐

移館習園題壁

行蹤飄泊氣崢嶸雅有園林稱客情欲以五皮干霸王
聊將八股號先生窻堆黃葉秋無賴匣掩青萍夜欲鳴
却笑使君髀裏肉年來已共坐氊平

以上知稼軒詩

夏日同次沙兼萬法華寺迎涼

國朝

段持平

朱明景象勝春光此會居人病始強風定蛛絲垂喜子

香清書笥寫虞郎

虞世南號書笥

雲山外到封函冷竹樹中傳

梵語涼靈帝有靈應羨我冰心何用奏招商

漢靈帝避暑西園奏

招商之歌
耕心堂集

登西禪寺諸天閣

懶向人間耐百愁非關佞佛戀僧樓量牛昏谷經千歲
把釣蒼翁據一洲風勢逆來帆盡卸雲陰密處鶴偏留
倚欄縱目情無限試寫閒詩質趙州

晚坐諸天閣

颯颯商音益半除白雲遙响鴈來初隣家屋角高金字
放翁有屋角成金字之句獨坐樓頭展玉書曲檻有花過雨笑空囊
無酒并琴疎一鈎殘月關何事猶伴幽人早閉廬

石溪

每逢冬愛石溪家舊日山樓分外斜雲識故人長繞榻
梅恰孤客盡開花修琴有料堪三弄沽酒無錢幸一賒
雨歇呼僮翠瘠土春來好種邵平瓜

立秋前夕法華寺夢醒有作呈兼萬

光陰轉轂憶兒時失學於今復下帷竹簟初清秋有信
紗窻忽白月無疑夢中得句醒旋失老境增年杖不支
欲啟柴門臨曲徑花棚豆架傍疎籬

夏日宿石門寺

魯望從來忌俗交幽居還擬另營巢花知客在如頻嘆

碁爲人間偶一敲久臥槐林成病叟誰過庾嶺貺仙茅

亭亭火傘張高蓋掩戶煎茶玩易爻

仙茅出自庾嶺

同練堯猗嶽寺僧茶閒步鳳凰山

稻花初着楚蟬催雨霽風涼訪萬回

僧名

水占鷗沙何處

訢雲開鳳嶽待誰來翻經茶罷香穿竹叩戶人嫌屐滿
苔興到磨崖題好句莫修蓮社薄宗雷

旅中懷東山舊遊

幽香一信滿書巢白日檐陰竹樹交身事逆知如是了
樽罍安肯漫然拋同愁作客評歸樂解橐修琴續斷膠

幽鳥懷人聲下上定來相慰匪相嘲

自航源寺寓三坑散步

盤山徑絕境還生不負幽人策杖行邨外羣峯圍野色
松邊雜樹助秋聲白雲起處僧何在碧草牽來犢自鳴
好事樵漁猶顧語前溪石屋是蓉城

前溪石屋玲瓏深
遠傳自仙遺以

上耕心堂集

歲暮別凝秀書院諸子

國朝

饒夢銘

分攜好趣半江風掛席遙天動遠鴻酒到離筵心已醉
術求入世語難工青萍應向新劒發焦尾還隨舊雨通

去去莫生蕭索恨冰衙懸待夜燈紅

金川詩抄

壽劉觀亭先生

國朝

吳壽昌

春光八十興逾豪親覩門間結駟高九老合聯居易社
三公好佩呂虔刀丹臺籍秘藏芝菌紫閣封崇起鳳毛
正直繡衣巡嶺海還鄉省覲駐旌旄

劉幹齋夫子觀察惠潮

監司臺諫秩原同出入威稜並望崇車雨已宣清道令
簡霜猶帶立朝風身辭北闕

天顏霽路指南洲海嶠雄遙識粵人先引領扶桑萬里旭升

東

薊門絲柳拂雕鞍簇簇鳴騶道上看子羨鶴鴻先翥路
難忘獬豸舊峩冠浥塵雨細清歌勝立雪年深別袂難
還擬臨岐語饒舌到時須趁荔支丹

以上新志

寄劉觀亭明府兼及令子世寧

國朝 趙大鯨

巖前舊宅啟荆關捧檄遙知

龍命頒循吏政聲龔渤海縣君詩句白香山為栽珠樹成連
理信有金丹可駐顏咫尺天衢齊努力十年重慶綵爛

班 躍齋詩抄

乙亥秋重遊東山寺

國朝 李廷宰

剩水殘山異昔時空桑斜出寄生枝幽崖黯黯泉聲細
古木陰陰梵語遲谷口驚猿偷果落簷前馴雀向人窺
劫灰休汚拈花座聊拂塵埃續舊詩

東山詩抄

覽玉筍白雲圖和先祖頤庵公原韻

國朝 胡之瑾

山徑幽陰逸興賒香風吹徹貝多花紫茸細吐三春雨
赤氣閒飛五色霞繡谷難尋司馬宅青門長憶邵平瓜

洞中一自梅仙去鶴怨猿驚嘯鬼車

山登訪陳次沙莊居用壁間孫進野韻

恍如彭澤樂琴樽還似龐公隱鹿門窗外嶺雲堪入畫

夢中詩思欲清魂醉來每亦稱書聖貧在何曾是病根

正擬相從猿鶴伴移文無用北山論

以上武漢詩集

除夕同清江楊員外養齋度歲分韻

國朝

王士倬

鳳城三載寄閒身坐對松盆泥飲頻風吸窻櫺聲似箭
燈橫梅影瘦於人但呼如願情猶舊共守殘宵歲轉新

拋却羈愁添逸興掃除冰雪待陽春

寄閒集

龍泉

羅念庵題源潔流清

國朝

張濤

鱗甲何年伏地中暗噓霖雨奪天工隴頭瀉澗膏常渥
石罅分甘味不窮醞釀四時山態活奔流萬里海門通
自題餘慶畱前哲印取心源今古同

新志

三湖市

國朝

劉學瀾

星貨齊鋪賈作隣市屢繁盛倍囂塵穰來熙往遽如許
事雜言龐大有人縮地懸壺疑幻境下簾賣卜或先民
犬牙居址紛相錯喧寂何妨不等倫

聿修堂稿

酬趙躍齋夫子卽次原韻

國朝 劉世寧

樹幟秋闈起懦風無譁戰士氣如虹陶甄雅化梭騰壁

鑒別真令劍出豐道式紫陽光使院操傳清獻達

宸楓一時驚捧瑤華句不啻珊瑚七尺紅

韋修堂續稿

贈甘霖寺僧

國朝 陳日芳

師是何年往紫霞清泉白石足山家掃開松影沿岡路

種就蕉陰遶屋遮幾縷寒雲疑布衲一番新雨妙蓮花

南能宗旨能參透獨自添香誦法華

南塘小草

觀戲魚堂帖

國朝 劉佳珣

宋臣世系本長沙謫宦耽書亦可嘉洗墨餘波猶

揮毫落紙似龍蛇帖摹淳化閣前本人擬莊周濠上家

郡邑一時交拓致武岡諸刻未須誇

韋修堂續稿

五言長律

寄朱比部二十韻

明鄭明選

未補馮唐署能陳晁錯書氣高憂國日名重罷官餘北
闕承新譴南山返故廬直詞元忼慨時論共咨且請劍
心徒憤埋輪事已虛何人招隱士未老賦閒居落日孤
城臥秋天震澤漁遠遊常有興多病近何如以我叨青
鎖分曹傍石渠恩深蒙茹納才薄負吹噓廊廟多旁午
間闕異古初聖謨殊奧窔小智獨躊躇昧死思劉向倫
生謝史魚妻孥霑雨露歲月費居諸託宦身何用遊仙

夢久疎初心今已矣晚計欲歸歟彭澤教栽柳於陵學
灌蔬清齋心不染導氣髮常梳廐馬雖思主山猿恐怨
予如君終奮發不作楚三閭

鳴缶集

新淦陳黃石明府相過予問以土著之兵云爲餉

料疏裁去守城責之守令兵安可裁也

明 劉同升

淦水金湯固軍需安可裁逢迎出下策苟且誤將來守
土寧無責旁觀莫浪猜豐亨全盛日經濟豈憂財漫
謂窮搜括翻令基禍胎客兵非廟筮土著捍城隈仗馬

鳴將斥函牛鼎亦隕清時詎有闕言路固宜開日奏封
疆警頻聞水旱災何緣桑孔計偏向省垣推廉吏惟三
策憂邊備五材贈言兼遠畧清嘯得追陪

江西詩徵

送練溪歸省三十二韻

明 王宗沐

臺閣崇丹筆簪纓重夕郎晝遊移寵錫晨省定輝光元
草經年就英名早歲揚紫薇聽玉漏鳩鵲貯封章神降
申邦岳靈鍾蘭渚祥傳鳧凌海邑倚馬奏長揚枳棘停
鸞署篋管借鳳凰霞標三月迴雲樹五溪長儒雅安仁
並風流宓子方帷曾奉晚日政已茁春芒竹馬兒童倚

冰餐侍史將詞驚鸚鵡麗劍擁鸛鶴銚輟策丹砂地飛
韓紫禁傍虛無闌瑣路清切掖垣堂倏賜蟾蜍硯仍鳴
螭陛璫珥貂分曙旭豪兔飽秋霜星漢看宵直更籌問
夜央帝裾三殿引龍色九重望白髮歡同侍天門樂暫
張輕蕙縈複道溫液下河陽御柳將舒綠官鶯未轉等
恩從天上出人向日邊颺廬岳元分楚清江舊入湘擲
輿疑洛市負弩卽巴鄉青鳥瑤池信緋桃壽域觴五銖
衣是錦雙饌桂爲糧墨潤餘冰璽爐煙剩御香吳潮隨
鶯楫燕雨拂牙檣立雪聞餘緒吟風對曉裝悵然憐夙

昔去矣若參商籍草依驪席分蘭握楚芳家園休戀彩

堯舜待垂裳

練溪遺稿

聖駕釋奠臨雍講學禮成恭紀

五言排律三十二韻

國朝 鄧暉

邗治承

謨烈

鴻圖式表埏

重光開

五代

渥澤肇三年蒼赤忘知識章縫謹誦絃恬熙胥徧矣禮樂疊興焉

懋典諷春仲儲才務學先

楓宸鐘徹曉槐市

仗縈煙霽色滋桃李香風啟豆籩

黌宮森美富巨鬯肅班聯自昔

心遐棄於茲

德告虔正聲仍木鐸雅範憶軒懸聿纘

皇王緒頻增弟子員圓橋容濟濟講幄辨平平鼓溢岐陽韻地

翻泗水泉桷薨裁小大圭璧就方圓萍業金同礪

石既鐫蘭臺抽秘笈蓬觀轟羣編細釋蒸民意洪張教

胄筵諸會齊向化上舍總興賢

建極垂精一

綏猷闡性天

聖無行不與道藉教爲宣直抉彝倫要期臻實行全苞符昭

寶籙雲漢麗星躔六籍咸披爾三隅冀豁然物生摠妙

諦魚躍著真詮得趣花搖檻怡神月映川人情思憤發

帝德快陶甄

鳳展佳祥集

龍爐綺篆旋儒臣輝劍佩元老列貂蟬
盛會欣逢此姤修尚勉旃相須雲有路勿負硯爲田共荷
絲綸渙長沾

雨露鮮恬吟儕虎拜迭進

九如篇據冊新編

七言長律

和鄒同節寄贈金昭伯進士

文靖公之子

明鄒誨

少年學問究天人
文采風流復絕倫
鵬路風高搏健翮
龍門浪暖躍修鱗
詞凌彩筆篇篇錦
策對丹墀字字珍
名姓一朝登桂籍
衣冠五夜拜楓宸
榮華有分能超世
富貴無心爲致身
御筆喜批紅錦重
征袍驚捧綠羅新
聯班周召朝闈闔
接武夔龍列縉紳
聲動天朝魁庶士
才克王國作佳賓
官花冉冉香偏好
禁柳青青色漸勻

北闕從容朝聖主南宮清暇省嚴親
韋賢兩世承家學楊賜三朝秉國鈞
奏罷香浮金殿曉宴殘紅綉綵衣春
瑞呈河洛明疇範祥應虞周出鳳麟
穆穆皇猷資黼黻明明治道展經綸
兩京冠蓋風雲盛萬里山河雨露均
昭代恩膏方累洽盛時風俗已還淳
鹽梅可備調和味草木咸資發育仁
萬國梯航來遠貢四方鼓舞樂斯民
上公終見分茅土前席將期問鬼神
七葉金貂能繼世定看麟閣署功臣

鳳筠詩集

五言絕

罷直圖
明練子寧
草詔下金鑿宮槐白露寒紫駟驕不控
明月在闌干

題梅

粲粲珠璣服娟娟玉雪姿東風庾嶺路
春色在南枝

又

老樹餘生意疏花發故枝平生心鐵石
正在歲寒時

以
上玉屑集

莒洲

明
鄒德溥

苟可植堤林吾何愛膚髮一片濟人心萬古莒洲月

舊編

苦雨惜花

明胡應詔

坐久雨聲密夜寒花睡遲支頤香閣畔如與故人期

又

春盡登臨興蹉跎半月餘香醪誰共醉獨坐藕花居

愧

莪詩抄

秋窻夜坐

國朝孫之鳳

虛室祛塵慮無懷嬾學仙正襟聊兀坐牕外月微偏

梅竹

竹有爭高節梅開耐冷花笑他原上柳冉冉競芳華

蘭窻

芳草閒堦綠佳禽靜裏聞晝長人獨坐石背一蘭芬

坐東山九達上人方丈

老愛高僧話居然厭世情有時舒一嘯不住嶺雲驚

以

上有竹園集

秋夕

國朝王泰牲

三人一樽酒相對無可說渺渺各有懷仰看天邊月

又

踞牀搔短鬢擊節發長歌起視明河沒空階落葉多

三人秋窻

殘照留牛背疎林度鳥聲歸雲飛不盡一帶翠煙平

抵家

誰道歸家好依然季子貧猜疑猶吠犬何況道傍人

上知稼軒詩

春日漫興

國朝 陳希獻

數聲鶯弄柳幾點雨催花日暖春眠足炊煙旋煮茶

懷人

國朝 饒夢銘

江岸多芙蓉汀洲生蘭芷蘭芷豈不芳芙蓉難比似

春鶯圖

春草競春時春鶯自在啼春風吹不歇睨睨寫生詩

上金川詩抄

石門

國朝 錢時雍

石壁扼禪門寒雲自吐吞一聲清磬發敲動白雲根

圖詩稿

詞林

...

...

...

...

...

...

...

...

七言絕

...

題玉笥山強處士

唐方干

酒裏藏身岳裏居，刪繁自是一家書。世人呼爾為漁叟，

爾學釣璜非釣魚。全唐詩

魏夫人壇

宋黃庭堅

獨掃蛾眉坐遠山，春風瑤草照朱顏。我來欲問揮月斧，

二十四峯如髻鬟。晉謝靈運詩

上蕭家峽

玉笥山前幾百家，山明松雪水明沙。越虛人集春蔬好，

桑茵竹萌煙蕨芽

晚年本云超虛人在煙中語荷蓀歸來有蕨芽精華錄

題青泥市寺壁

宋岳飛

瞻氣堂堂貫斗牛誓將大節報君讐
斬除元惡還車駕

不用登壇萬戶侯

宋詩紀事

新淦偶成

宋樂雷發

飛飛綠鳳挂梅梢猶記來時雪擁袍
今日歸舟新淦路

擔頭稚子賣櫻桃

舊編

臨江買舟

宋朱子

征驂聊駐近江樓南市津頭問買舟
共說明朝乘雪水

長歌一日到洪州

文公詩抄

廢新淦城

朝晴遣我看薊林頃刻浮雲萬里陰
拂袖凌風三十里

依然寒日照長吟

同上

題栖碧山

元吳澄

栖碧山前有逸民愛山終日與山親
幾番晴雨青如故

人不傲山山傲人

臨川草廬集

新淦藍步溪

一作阪步

元何中

陰靄通煙翠作霏春風吹入暖成泥
女郎挑菜不知溼

調笑相攜過水西

知非堂稿

遇故人胡居敬臨江府送至新淦

元張心寧

翠竹蒼松映白沙淦江西畔是君家明年歸路重相問

分食東陵五色瓜

江西詩微

茹常引見賜宴

明宋一俊

朝房聽罷五更鐘得從尙書拜九重深媿俗書經御覽

內廚傳旨賜黃封

冰壺集

爲百華寺竹峯上人題梅

明練子寧

月逢三五光纔滿梅遇陽回始着花禪定湛然忘色相

不知疎影上袈裟

金川集

過新淦寄胡能定

明解縉

紫淦提封千萬家市南多見使君車憑將舊日陽春曲

散作侯官棠棣花

許遜山林紫淦邊彈琴耽酒過年年信知伴鶴遊諸洞

何用攀龍上碧天

祥符觀有許丹井

新淦縣

早春游望過歐潭青竹紅桃水似藍釣艇畫橋山色裏
令人那不戀江南

龍安寺

半生蹤跡欲何從
垂老方知是夢中
莫道山僧無一事
五更高閣亦鳴鐘

八月高齋對鶴眠
客來無日不談禪
寧知更有人間世
拚與青山靜結緣

東風簾幙百花菲
蕭瑟元關客到稀
一枕黃庭春夢醒

江天燕子故飛飛

以上文毅集

贈彭潭泉

明楊榮

碧浸琉璃接曙光
煙和樹色藹蒼茫
春風一掉桃花水

流出潭來也自香

舊志

石溪寺

明王守仁

杖錫飛身到赤霞
石橋閒坐演三車
一聲野鶴波濤起

仙風吹送寶靈花

陽明集

歸金川田舍

明黃令望

數間茅屋堪容膝
理竹澆花未是貧
昨日武陵重問渡
有人許我是閒身

宦情兀兀本來慳
賦就歸與鬢已斑
補牘未能思祖烈

梧垣清夢寄高山

以上江西詩徵

遊溢峯

明羅倫

一柱東方戀紫霞
數聲雞犬也仙家
春風不與人分破
添却碧桃無數花

一峰詩抄

天王寺

明羅洪先

暫作松窻面壁僧
廚前齋粥佛前燈
不須更念人間世
白盡頭顱了得曾

杖錫東來住翠屏
楞嚴誦與野狐聽
於今漸識禪家意

只愛蒲團不愛經

念庵集

寓淦城舒懷

明周謨

春風浩蕩捲晴沙
幾日馳驅未到家
料得東臯桃與李
也應開遍後園花

東臯集

西禪寺

明陳獻章

竹徑風停夕梵清
隔牆深入有人聽
山僧老去無功德
只倚禪門誦佛經

白沙詩抄

河橋柳色

界江八景逸其二

廬阜清風長官宅
渭城朝雨王維詩
東西綠遍河橋路
長與離人照酒卮

驛館槐陰

槐陰覆庭日過午小吏夜出迎當路長安覽盡往來人
淦水西邊此槐樹

只問靈臺可屬公
玉宇蟾虛秋展鑑界江水色夜磨銅乾坤好景誰無分

香爐紫煙生一縷天風吹散蘆花渚江東行客賦歸來
露衣猶帶金陵雨

大橋牧笛

山花爭插帽頭紅蘆葉嗚嗚弄晚風橋大板平牛步穩
雛牛差後不愁儂

古埠魚燈

埠頭數點夜燃枯釣得松江一尾鱸漁父移舟向東岸
東岸人家有酒沽

自沙詩抄

澹湘橋

明蕭克良

裊裊青絲拂釣竿清風透骨水雲寒醉來一枕蘆花月
千古澹湘一碧灘

習隱澹湘弄釣竿幾經風雨不知寒問渠雲水煙波事

夢寐嚴陵七里灘

舊編

游航源寺

明 曾宏

滅度航源五百年法身常住洞中天我來正值龍華會

雲月煙山續舊緣

舊志

題周氏味菜卷

明 朱瓚

秋風蓴思江東客却許鱸魚溷菜羹得似濂溪隱君子

晚菘早韭老平生

尚書一食十八品下箸胡為少萬錢駕鶴揚州腰十萬

多君不解飫醲鮮

口腹何為稔禍源萬羊甘自蹈訛言菜園一掬生生地

肯許羝兒悞觸藩

忘憂一味餐萱草蠲忿隨時茹合歡底事頻頻拂經者

不知冲淡養真元

墨泉集

章山

明 張叔鏜

章山山頂翠芙蓉牛斗光華映幾重匣裏無人能逼視

九霄風雨吼青龍

舊編

春江晚霽

國朝 孫之鳳

雨歇春江霽景浮平沙歷歷見羣鷗夕陽門巷無車馬

楊柳依稀出畫樓

宿澹寧庵

策杖重來揖世尊一庵花柳與溫存等閒畧識春風意

看得窻前竹有孫

贈邑侯胡之琳

政拙心勞自署難漢家循吏許誰攀百錢喜見山民樸

坐嘯都亭意自閒

以上有竹園集

蘆嶺

國朝 胡之琳

蘆嶺峯高萬木齊穿雲帶雨上山梯停車亭下行人絕

一縷村煙隔樹低

舊編

沙螺寺與陳兼萬手談

國朝 陳希獻

十指如椎腕力生咲揮毫罷展楸枰與君一較斜飛局

影落春空鴈字橫

雲樵話答集

岳武穆碑

國朝 周天琳

武穆畱詩泣鬼神只今碑影護苔茵功勳百戰委塵土

遺恨孤忠淚滿巾

舊編

得梅

國朝 胡之瑾

多君能獨遠繁華種向孤山處士家數朵寒香清似我

前身莫是雪中花

四月三日自淦城發南源道中

古木陰陰十里山人家雙樹掩柴關橋邊安箇茅亭子

消受清涼水一灣

偶憇中華山口占

飛盡楊花欲暮春話殘梁燕雨初晴午窻睡起無情緒

隨意看山隨意行

以上武溪詩集

康熙壬午十二月邑侯吳存庵明府判合僧尼夙

姍

國朝楊侃

女向祇園參佛遍人從鷲嶺索兒回宰官身說三生法

一笑花拈並蒂開

燭光雙引合歡人共証慈航不二身明鏡臺前冰雪淨

五花一判暖如春

尋兒村嫗百般憂誰信牟珠掌上收試脫苾芻衣舊樣

從新檢點玉搔頭

琴堂花燭詞

舟次淮安楊漕帥招飲署中以堂額點雙清爲韻

國朝

王士倬

剩得秋香散桂林淮陰署裏助長吟簾前夜月良如許

清自由來見素心
關西人望又瀟江轉漕

天家憲萬邦耿耿丹心誰得似誠齋風節世無雙

寄閒集

韓蘄王旌忠碑

國朝

沈嘉轍

宸書曾為擬汾陽勲業淮西亦可方一字裏頭一把雪

一把雪 王馬名 慚無秦蜀入封疆 南宋雜事詩

臨江江行

國朝

李如筠

黃柑林外野人家遠岸舟來犬吠譁明日溪南

深村徹夜响縑車

